

一
是
紀
始



一
卷
紀
略



壹是紀始試科仕官類卷之六

荆南新化祝亭魏崧著

童子科始於漢

漢順帝時設童子科凡童子年十二歲能通經拜童子郎

月課始於宋

宋程伊川看詳學制以爲學校育才之地而月使之爭殊非教養之道請改試爲課明制諸生入監初考到旣月有課卒

有課以經書藝定優劣季終報課

季課始於元

元仁宗得齊履謙爲司業分齋爲三季考諸生學行以次遞升上齋踰歲再試辭理俱優者一分平優者半分歲終積至八分爲優等

歲科考始於宋

宋元豐二年詔定太學條制中丞李定等酌周官賓興之意爲三舍選察升補之法太學制八十齋齋容三十人外舍生二千內舍生三百上舍生百人入學試而後入月一私試歲一公試補內舍生間歲又一試補上舍生

後世賓興宴始於唐

周禮三年大比鄉大夫考其德行道藝帥其吏以禮禮賓曰
賓興唐元宗特重進士士初赴選時各懷牒自列於州縣試
已取優者長吏以鄉飲酒禮命僚屬耆老陳俎豆牲用少牢
歌鹿鳴之詩而賓興焉至京天子親策之曰制舉

試遺才始於宋

宋選舉志端拱初禮部試已帝慮有遺才取不中格者再試
之於是由再試得官者數百人今只學使送赴舉生監試遺
才

鄉闈用京官主試始於明

宋時各省鄉試皆外官主之夷堅志天台丁可成進士家居
漕使念其貧檄爲常考官續通考元制選考試官上都大都
由省部選差各行省由行臺及廉訪使公同選差每處考試
官一員同考試官一員元史熊朋來江西人延祐設科行省
請朋來爲考官朋來以應試多及門遂就他省之聘明初仍
宋元制各省鄉試皆由監臨會同提調聘他省有文名教職
及居家士大夫主之景泰三年命布按二司巡按御史推舉
現任教職於是教官主試遂爲定例後因徇私聘取監臨侵
權宏治中謝鐸乞命部屬等官每省差二員主考嘉靖七年

又因張璠言乃差京員主考每省二人馳往闕戔子辛卯兩科仍罷至萬歷十一年又遣京官遂爲定例

三年一鄉會始於宋

唐每歲放進士不過三四十人宋初猶每歲一試仁宗至和二年令間歲一科舉英宗治平二年詔禮部三歲一貢舉先是數歲一行或間一歲舉行至是遂爲定制

春秋二闈始於宋

宋制凡科舉秋取解額道遠首令縣次續會春集禮部試科舉定三場始於宋

唐高宗時進士科試一大經併爾雅帖皆通而後試文試賦各一篇文賦通而後試策凡五條三試皆通者爲第但試進士如此鄉試則非三場也宋試四場初大經次經大義十道次論一首次策三道試禮部增二道至宋仁宗慶歷四年行科舉新法三場明洪武三年下開科詔凡試三場初場書義一道二場詔誥表内科一道三場策一道中式者更以騎射書算律五事試之

試期有定始於宋

宋初發解進士率以秋季引試無定期紹興中乃定諸州科

場並用八月一日鎖院十五日引試夷堅志春試向例在正月
淳熙十四年以首春雪寒特展半月此宋時秋試八月春
試二月元明皆因之本朝會試始改三月

考差始於國朝雍正

雍正三年上諭各省學政與正副考官皆就其爲人謹慎
者派往並未考試文藝其中竟有不能衡文者此皆由中式
後荒疎年久故特將應差翰林並進士出身各部院官查奏
俟朕試以文藝再行差委

知縣充同考試官始於明

明初同考官用敎職嘉靖二十五年從給事中萬虞愷言各省鄉試聘外省推官知縣

會試分十八房始於明

宋史理宗紹定二年各房分經時尚未有定額明嘉靖末年詩五房易書各四房春秋禮記各二房止十七房萬歷庚辰癸未二科以易卷多添一房減書一房仍止十七房至丙戌書易卷並多仍復書爲四房始爲十八房至丙辰又添易詩各一房爲二十房崇禎辛未易詩仍各五房爲十八房今仍之

科場迴避親族始於唐

通考唐開元二十四年移貢舉於禮部以侍郎主試事其侍郎親故則移試者功謂之別頭試

科場條例始於宋

宋天聖元年詔兩制與孫奭等定科場條制景祐元年崇政殿試錄宿如新制

保考始於宋

宋慶歷二年詔州縣皆立學士在學三百日乃聽預秋賦舊嘗充賦者百日而止試於州者令相保任

禁夾帶始於唐

文獻通考後唐長興四年禮部貢院奏立條件曰懷夾書策舊例禁止請自今後入省門搜得文書者不論多少准例扶出

試禁匿服犯刑虧行冒名始於宋

宋仁宗慶歷四年三月詔天下州縣立學行科舉新法試於州者令相保任有匿服犯刑虧行冒名等禁

搜檢始於唐

舊唐書李揆傳乾元初兼禮部侍郎言主司取士多不考實

徒峻其隄防索其書策殊不知藝不至者居文史之圃亦不能摘詞深昧求賢之意也舒元興傳國朝校士窮微探隱無所不至士至露頂跣足以赴科場

禁傳遞始於宋

宋選舉志嘉定十五年何澹言舉人之弊有曰傳藝曰換卷曰易號寶慶二年宋端常乞差有風力者爲監門官入試日一切不許傳遞門禁旣嚴再立賞格許告捉傳題傳稿之人彌封謄錄對讀始於宋

唐吏部選人皆糊名令學士考判武后以爲非委任之方罷

之則糊名第用於選人未用於貢選陸游老學庵筆記本朝
進士初亦如唐制前採時望真廟時周安惠公起建糊名法
一切以程文爲去留宋陳靖傳糊名考校起於靖殿試也周
起請用之禮部故起首爲彌封官王闢之澠水燕談錄彌封
謄錄始於景德祥符之間宋史常安民傳安民試第一主司
啓封見其年少欲下之常秩不可曰糊名較藝豈容輒易宋
太宗淳化二年三月崇政殿試又爲糊名之制時周起患貢
舉不公因建糊名法宋真宗祥符六年命趙安仁典舉始置
謄錄院令彌封官封卷付吏錄本內侍二人監焉命京官校

對用奉使印訖復送封印院始送知貢舉考校又能改齋漫
錄仁宗時袁州人李夷賓上言請別加謄錄因著爲令而後
識字書之弊絕天禧二年開封發解請官如省試謄錄宋白
傳初陳彭年舉進士輕俊喜謗舉司白知貢舉黜之彭年憾
焉後居近侍爲貢舉條制多所闕防益爲白設也按糊名始
於宋淳化三年諸州糊名始於明道二年易書始於祥符八
年諸州易書始於景祐四年

編號始於宋

事文類聚謄錄編號皆始於景德祥符間宋史編排官去其

號所對策佳此卽宋時取士編號之字

闔置棘始於五代

五代史和凝傳是時進士多浮薄喜爲喧嘩以動主司每放榜則闔之以棘閉省門凝知貢舉撤棘開門而士皆肅然無譁所取稱爲得人

題目始於漢

隋志葛洪有劉子駿漢書無首尾題目北史魏孝武作行殿初成未有題目詔侍臣各名之賢擬以圓極帝曰正與朕意

同唐高祖幸學徐文遠發春秋題論難鋒生

試四書藝始於明

洪武三年開科以古之欲明明德於天下者一節孟子道在邇而求諸遠一節合爲一題問二書所言平天下大指同異十七年二月命禮部頒行科舉成式凡三年大比子午卯酉鄉試辰戌丑未會試鄉試八月初九日第一場試四書義三道經義四道每道二百字以上舊謂王介甫始以八股取士者非蓋安石之所創者經義也會試以次年二月初九日文字與鄉試同十八年乙丑首題天下有道則禮樂征伐自天